

38

FACVLTATIS IVRIDICAE
D E C A N V S,
HIERON. FRIDERICVS
SCHORCH, JCTVS,
SACRI PALATII CAESAREI COMES,
MEMORATAE FACVLTATIS ASSESSOR, ET
INSTITVTIONVM PROFESSOR PVBL.
ORDIN. NEC NON CIVITATIS
CONSVL,
L. B. S.

ERFORDIAE,
Typis JOH. CHRISTOPHORI HERINGII,
Acad. Typogr.



FACULTATIS IURIDICAE
DECANVS
HIERON. FRIDERICVS
SCHORCH JCVS

SACRI PALATII CAESAREI COMES
MEMORATAE FACULTATIS ASSessor, ET
INSTITVTIONVM PROFESSOR PVBL.
ORDINIS NON CIVITATIS
CONSVL

L. B. S.

ERFORDIAE,
Typis ION. CHRISTOPHORI HERINGII,
Vend. Typogr.



Inter reliqua iura eximia, quae Principibus Electoribus ex dispositione legum publicarum competunt, haud immerito refertur, quod non solum Electoratus integri & indiuisi manere debeant, verum etiam seculares ad solum Primogenitum defuncti Electoris filium iure successionis deuoluantur. *Aur. Bull. Tit. VII. §. 2. sq. & Tit. XXV. §. 2.* Quamuis enim hanc legis prouisionem ad caeteros quoque Principatus in Imperio Romano-Germanico pertinere nonnulli existiment; v. *GOLDAST. de Maiorat. L. 2. c. 15. RVMELIN. ad A. B. P. I. Diff. 6. coroll. 1. & ibi MYLER. in Addit. ratio tamen, cui potissimum Aurea Bulla c. Tit. VII. §. 2. innicitur, ne scilicet inter Principum Secularium Electorum filios super iure, voce & potestate electionis futuris temporibus scandalorum & dissensionum possit materia suscitari. & sic bonum commune periculosae dilationibus impediri, conf. GOLDAST. c. Tr. L. 2. c. 3. ad reliquos Principes non quadrat, & ex obseruantia vsuque Imperii constat, quod illi, qui in Ducatibus suis post Auream Bullam ius Primogeniturae introduxerunt, specialem Imperatoris confirmationem sibi expetierint, qua opus non habuissent, si ius istud per legem vniuersalem in omnibus Germaniae Principatibus iam stabilitum, firmatumque fuisset, prout recte aduertunt *SPRINGSFELD. de Apanag. c. 5. n. 15. Squ. ITTER. de Feud. Imper. c. 12. §. 8. VITRIAR. in J. Publ. L. 3. tit. 20. §. 39. 41. & ibi PFEFFINGER. T. IV. p. 168. sq. vbi etiam p. 177. sqq. Ducatus plures commemorat, in quibus post A. B. ius Primogeniturae, auctoritate Caesarea accedente, inuectum est. Sed cum plerique Electores Seculares praeter Electoratus alias quoque**

que ditiones, quas vel hereditario iure, vel alio titulo acquir-
uerunt, possideant: disquiri coepit, num allegata Aureae Bul-
lae dispositio ad has etiam regiones & prouincias extendenda
sit? vbi quidem negatiuam amplexi sunt *BETSIVS de Statut. Paef.*
Et Consuetud. famil. illustr. c. 8. §. 12. Et c. 9. §. 56. in f. PFEFFLIN-
GER. ad Vitriar. T. III. p. 659. squ. LVDEWIG. ad A. B. T. II. p. 473.
sq. alii. Verum enim vero de hac sententia ex causis non leui-
bus dubitat de *LVDOLF. in Tract. de Introd. Iur. Primogen. P. Spec.*
aphor. X. n. 5-10. imò *AVCTOR Meditat. ad Capitul. Ioseph. art. 3.*
p. 71. non veretur asserere, omnes prouincias, familiae Electorali
propriam, eodem plane iure censi, ita vt in his pariter non nisi
Primogenitus succedat, & si filii secundogeniti ad diuisionem
dicionum patrimonialium prouocare audent, Imperator illor-
um petitio nequam deferre possit. Quam opinionem ma-
xime iuuare creditur clausula, articulo 3. Capitulationis Iosephi-
nae, & quidem vt *MOSERVS in Annot. ad Capitul. August. Imper.*
CAROLI VII. P. 2. p. 10. tradit, occasione Testamenti, a Io. Ge-
orgio I. Electore Saxoniae conditi, desiderante Legato Electro-
rali Saxonico, prima vice inserta, vi cuius Rex Romanorum
promittit, se ius Primogeniturae, in Domibus Electoralibus secularibus
constitutum, tueri, nec pati velle, vt illud illegitime, *wieder die Gebühr,*
restringatur, quae clausula in Capitulatione *CAROLI VI. Et VII.*
art. 6. denuo repetita, verba tamen: *wieder die Gebühr*, cum par-
tim superflua, partim ita comparata esse viderentur, vt sinistris
interpretationibus ansam dare possent, omisa sunt. v. *Gegenwärtige*
Verfassung der Kayserl. Regierung in Teutschland p. 9. Interim
cum in nouissimis Electionis Comitibus anno MDCCXLI. à Le-
gato quodam Electorali moneretur, locum illum Capitula-
tionis paulo explicarius concipiendum esse, ita, vt Domibus Ele-
ctoralibus secularibus de conseruando iure Primogeniturae in
plenissimo sensu, & cum omnibus inde pendentibus effectibus,
in specie vero cum successione vniuersali non solum in Electro-
ratus, sed & in omnes reliquas regiones à familia Electorali vel
acquiras vel in posterum acquirendas, prospiciatur: ob voto-
rum disparitatem monitum illud effectu caruit, referente *MOS-*
SERO c. Tr. P. 3. p. 18. sqq. vt adeo tutissimum fuerit, si pacta Do-
mus & obseruantia recepta hactenus tantisper attendantur, dum
per Legem publicam quaestio illa plene planeque decisa sit.

Nec

Nec minus porro controuersum est, quousque Primogenialis succedendi ratio in Electoribus vigore Aureae Bullae obtineat? Licet enim, quod ad defuncti Electoris filios ac descendentes attinet, verba legis factis perspicua sint, solique Primogenito laico & caeteroquin habili, vel, eo non extante, eius filio Primogenito, similiter habili, successionem deferant, ita ut, factentibus omnibus Interpretibus, quousque linea Primogeniti existit, transitus ad aliam lineam fieri nequeat. *A. B. Tit. VII. §. 2. GOLDAST. de Maiorat. L. 2. c. 4. §. 3. VITRIAR. J. Publ. L. 3. tit. 11. §. 2. in f. & ibi PFEFFING. T. III. p. 767. Squ.* attamen, si linea Primogeniti defecerit, quis tunc ex ultimo defuncti collateralibus in successionem Electoratus praefendus sit? disputari solet. Et communiter quidem duos casus distinguunt: Videlicet is, qui ex Primogeniti linea sine heredibus masculis decessit, vel relinquit fratris secundogeniti praemortui filium cum fratre Tertio genito concurrentem, vel remotiores agnatos. In priori specie non pauci existimaant, Tertio genitum filio Secundogeniti antea defuncti ideo anteponendum esse, quod Aurea Bulla *c. T. VII. §. 3.* expressis verbis SENIOREM FRATREM laicum tunc ad successionem vocet, nec exempla tam in Domo Electorali Saxonica, quam Palatina desint, ubi, excluso Secundogeniti demortui filio, solius Tertio geniti ratio habita fuerit. *v. GOLDAST. c. Tr. L. 3. c. 16. & 17. itemque in Discurs. de Iur. repraes. in Primogen. Imp. Germ. §. 27. 31. MASCOV. Princip. J. Publ. L. 4. c. 2. §. 17. STRVV. Corp. J. Publ. c. 17. §. 26.* At cum Senior frater in *A. B. idem sit ac sequens natu.* obseruante *LYDEWIGIO ad A. B. T. I. p. 703. lit. u. & p. 716. lit. d.* inde inferri non potest, quod praedictis verbis aetati praerogatiua prae linea concessa sit, praesertim cum natura & indoles successionis linealis, quam in Electoribus receptam esse quidam ex ipsis dissentientibus non dissententur, in eo consistat, ut lineam Primogeniti extinctam, primus ex linea secunda succedat, quamuis in linea tertia aliquis stirpi gradu propinquior reperiat. *v. EV. OTTO ad Pufend. de O. H. & C. l. 2. c. 10. §. 10.* Quemadmodum enim Primogenitus ius succedendi euentuale in momento natiuitatis consequitur: ita pari ratione secundogenito ius succedendi euentuale, sub conditionibus, si 1) pater, 2) frater natu maior, & 3) eius descendentes mortui fuerint, quaesitum est, quod ius ad omnes suos descen-

scendentes pari ordine, conditione & praerogativa transmittit; ita ut hi praerantur caeteris fratribus parentis sui natu minoribus, utpote ratione quorum parens ipse quoque est Primogenitus, v. COCCER. *Comment. ad Grot. de J. B. & P. L. 2. c. 7. §. 12. pos. 8. & 9.* Hinc prout se habet Primogenitus ad secundum, ita Secundogenitus ad Tertio-genitum; & si tota posteritate Primogeniti excluditur Secundogenitus: eodem modo nomine Secundogeniti tota eius prosapia continetur ac per eam Tertio-genitus excluditur, optime docente LAMPAD. *de Republ. Rom. Germ. P. 3. c. 4. §. 14. 19.* Quae omnia vberius illustrari possunt ex Aurea Bulla Saxonica tam priori, anno MCCCXLVII. Rudolpho II. Electori Saxoniae data, quam posteriori, anno MCCC LXXVI. Wenceslao Duci Saxoniae à Carolo IV. Imp. concessa. v. GRIBNER. *in Diss. ad Caroli IV. Bullam A. Saxon. p. 21. 80. tit. p. 80. sqq.* nec non ex A. Bulla Sigismundi Imp. de Successione Comitis Palatini Rheni de anno MCCCCXXXIV. *in Repraesent. Reip. German. p. 556. sqq.* Atque hanc sententiam merito tuentur FREHERVS *in Comment. ad c. 7. A. B. in d. Repraesent. p. 596. sqq.* & *in Comment. ad Bullam Sigism. Ibid. p. 576. sqq.* ARNOLD. ENGELBRECHT. *de Success. in Elect. ib. 100. sqq.* SCHÜTZ. *in Colleg. J. Publ. V. 1. Exerc. 7. th. 13. & ibi lit. d. SCHILTER. Inst. J. Publ. L. 3. tit. 1. §. 6. ITTER. de Feud. Imp. c. 19. §. 7. sq. caeteri.* Ad exemplum vero Wenceslai, qui, licet Rudolphi I. Electoris Saxoniae filius Tertio-genitus esset, nihilominus fratris Secundogeniti Ottonis filio Alberto in Successione antepositus est, respondet ENGELBRECHT. *c. l. th. 119.* & aliter adhuc GRIBNER. *c. Diss. §. 38. p. 63. sqq.* ad exempla autem ex Domo Palatina petita LVDEWIG. *ad A. B. T. I. p. 710. add. ENGELBRECHT. c. l. th. 118.* Posteriori casu, si scilicet defunctus Elector remotiores agnatos reliquit, aetati & proximitati gradus praerogatiuum tribuunt FREHERVS *in d. Repraesent. p. 578. & 600. sqq.* (cuius proin sententiam recte retulit SCHILTER. *c. l. Tom. II. tit. 19. §. 32. p. 293. secus ac visum LVDEWIGIO ad A. B. T. I. p. 706.*) GOLDAST. *de Maior. L. 2. c. 4. §. 4. c. 5. 7. sqq.* & *de Iure Repraesent. in Primogen. §. 34. sqq.* aliique, quorum nomina recensent PFEFFINGER. *ad Vitruv. T. III. p. 771. sqq.* & LVDEWIG *cit. T. I. p. 706.* Ex diuerso non desunt, qui etiam in hac specie ad proximitatem lineae respiciendum esse contendunt, v. PFEFF. &

LVDE-

LVDWIG. *cc. ll.* quorum sententiam firmiter rationibus niti nobis persuasum est, eandemque ipso usu aliquoties publice comprobata esse negari nequit. SCHVTZ. *c. Exerc. 7. tb. 14. lit. c.* LVDWIG. *d. T. I. p. 712.* Verum illustrem hanc materiam in *Lectione*, quam vocant, *Cursoria* occasione *Tit. VII. §. 3. A. E.* vberius explicabit

NOBILIS ET CLARISSIMVS
IVRIVM CANDIDATVS,

DOMINVS

GEORGIVS MICHAEL HORNIVS,

KITTINGO - FRANCVS,

Qui in lucem hanc editus est die XXII. Aug. Anno MDCCXXII. Patrem habuit GEORG. ANDREAM HORNIVM, à Reuerendisimo ac Celsissimo Principe & Episcopo Würceburgensi Vrbi Kittingensi Praefectum, matrem vero ANNAM MARIAM, natam HAHNIN. *Inferiora & Logicam Würceburgi sub manu ductione RR. PP. Soc. Jes. absoluit.* Deinde Anno MDCCXLI. ad Vniuersitatem Bambergensem missus, Dn. Consiliarium Aulicum & Professore HAMMERVM, *iur. Naturæ*, praeunte HEINECCIO, explanantem, audiuit. In *iure Canonico* praeceptorem nactus est R. P. LEONARDVM GREBNER, Soc. J. placida morte nunc extinctum. Nec minus Dn. Consilarii Aulici & Professoris BOCRISII Praelectiones ad HEINECCII *elementa iuris ciuilib.*, LAVTERBACHII *Compendium Pandectarum*, SENCKENBERGII *primas lineas Jur. feodal.* nec non MOSERI *Compendium J. Publici* assidue frequentauit, eiusdemque hospitio & conuictu uti sibi licuisse depraedicat. Cumque ab hoc Viro Celeberrimo impetrasset, ut sibi SCHEFFERI *Grotium illustratum* priuatissime exponeret, eundem porro exorauit, ut potiora principia iuris Nat. & Gentium à GROTTIO tradita literis consignaret, permitteretque, ut quae intra priuatos parietes ex eius doctrina hausit, publicè à Cathedra defenderet. Vnde praesentem Dissertationem Inauguralem beneuolentiae praeclaudati Dn. Consilarii Aulici potissimum tribuit, eandemque pro euidentissimo solidae eius institutionis monumento reputat. Sub Eiusdem Praesidio d. 26. Martii Ann. MDCCXLIII. Dissertationem Publicam de *Tutore pecuniam pupillarem in proprios usus conuertente*,

te, ad usuras centesimas hodie minus obligato, habuit. Tandem Ordinem nostrum adiit, & ab eo Licentiam Supremos in Vtrotque Iure honores rite capeffendi modeste petiit. Cui laudabili desiderio Facultas annuit, atque, praeuia textuum ex Vtrotque Iure resolutione, ipsoque exantato Examine Rigoroso, per vnanimia decreuit, vt ad vltiora Specimina Inauguralia admittendus, vtrique sui compos reddendus sit. Quare futuro die Martis, d. 25. Aug. a. c. in Lectione Curforia *Aureae Bullae Tit. VII. §. 3.* enucleabit, eaque finita Dissertationem Inauguralem, quae

OBSERVATIONES IVRIS GENTIVM
ET IVRIS PVBLICI VNIVERSITATIS,

AD
VIRI ILLUSTRIS
HVGONIS GROTIJ


LIBROS TRES

DE IURE BELLI ET PACIS,

in se continebit, sine Praeside tuebitur. Quibus actibus solennibus vt Magnificus Vniuersitatis Rector, Academiae Patres Conscripti ac ciues, in primis autem legitimae scientiae cultores frequenter interesse haud dedignentur, officiose & humaniter rogantur, invitantur. Publ. sub Sigillo Facult. Iurid. d. 23. Aug. A. O. R. MDCCXLIV.







+

94 A 7372

ULB Halle 3
001 681 94X








38

FACULTATIS IURIDICAE
DECANVS,
**HIERON. FRIDERICVS
SCHORCH, JCTVS,**

SACRI PALATII CAESAREI COMES,
MEMORATAE FACULTATIS ASSESSOR, ET
INSTITVTIONVM PROFESSOR PVBL.
ORDIN. NEC NON CIVITATIS
CONSVL,

L. B. S.

ERFORDIAE,
Typis JOH. CHRISTOPHORI HERINGII,
Acad. Typogr.